

JUNIOR SECONDARY CERTIFICATE

RUMANYO FIRST LANGUAGE

1107/1

PAPER 1 Reading and Directed Writing

2 hours

Marks 60

2017

Additional Materials: Answer Book

INSTRUCTIONS AND INFORMATION TO CANDIDATES

- Write your answers on the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.

- Answer **all** questions.

- Pay attention to spelling, punctuation and sentence structure.
- The number of marks is given in brackets [] at the end of each question or part question.

MARONDORO NAMAPUKURURO KUMUHAMENI MUMAKONAKONO

- Tjanga malimbururo ghoye muMbapira yaKulimbwilira oyo vana tapa.
- Tjanga Nomora yaMuhameni Mumakonakono naLidina paMbapira yaKulimbwilira.
- Tjanga nashitjangito shashinaliwiru nampiri shashishovagani.
- Wa sha rughanita shidongonito shamema-mema.

- Limburura mapuro **naghantjeya**.

- Kara nashinka kulishantjo, viyivitovaruro nalitungontanto.
- Vitwa vya pwa kare kutura mutuhaki [] kuuhura wakehe lipuro ndi ruha rwalipuro.

This document consists of 6 printed pages.



Republic of Namibia

MINISTRY OF EDUCATION, ARTS AND CULTURE

LIPONGONYONO A

Varura shivarurwa shino makura u limburure mapuro ogho ghana ka kwama ko.

Shivarurwa A

Mu Mapeu mayuva 04 Shivoyedi 1990 pamukunda wa Rucara kwa shoroki repo ndwa yapatji kanturaumbo Mashare namuunyendi Shampapi. Nturaumbo Mashare kwa wapukurura lirapa lyamundi wendi navanadara vendi vaviri vavamati vaMoyo naMuronga. “Ndjovhu wa ha pumbo” ashi nampo vinke lina shimbi ovyo lirongorora liyuva. Viviyauka vino kwa tameka tupu lyayokora ncunu munya. Nturaumbo uno kwa kalire narumwemwe rwakufa nakurambuka. Morwa a vi monine ashi viwa unene mukushonga ruvembo rwendi kukwata kwatanga. Kapi papitire shirugho shashire Shampapi naye a ya kavere mukuya vatera mukurwendi. Ndjoghera mpo yina ka hura panya moomo vya shwa kukara kehe kuno ntjeneshi shirughana shina karo po. Mugholikadi nawaMoyo vana kukarere navo kuviyauka kulidiko mukuwapayikira vakakudika muyusha. Vavo kwa terekire yankura mayegho nashivondo mposhi nturaumbo naruvembo rwavo va vyure opo pana pengo.

Apa lya renka li ya kwate dapakawewera shirughana nasho nko kutika kuuhura washo. Kupwiyumuka po kadidi ano nko kudi vikudaya vyamahangu vyakuhupa ko ne nkwardi rurere ngoli. Pakutika viha vyaviri yakutanga, Moyo, Muronga navauni vavo vaNamutenya naMwengere nko kukupakera navamuundju navantjengentjenge vapakangiringiri va yende kumukuro va ka kutendeke ko nakahafura ko makuta ghashivondo. Hawe, kumukuro vantjokerekeki vaka danine tupu shiwa udano washihonde, kuyanga tukoyo navimwe ngoweyo.

Ano paviri yaune shi tware kuviri yautano nko kukandauka kumandi ghavo. Ani tupu va tauruka shitaura, kumona pabawa yaMukuve varwana kayirayira, ndwa yapakati kaShampapi, mamukurwendi Mashare ntani yina kushana kukutura. Ndwa yino kwa tundilire pawarende mukondashi Shampapi kwa shanine va mu ghulire tindu a ka tokwerere po. Vana vaMashare nkara davo ashi kuni vina tamba vino nako vika shaghera. Shirugho shino shavo vana ka mu vandeka mundjugho yakaghanda kamumundi wamugholikadi Kampiringi. Vakurona vamwe yira mbo va ghambero ko naliywi kapi lya kawa palivhu ashi.” Moyo yomona natuuni toyeyo mukavande kuurundu mumutitu.” “Ogho shenughona ana kara ngoli yira nyime anwe a pompangida moomo ana kupira kuwana shenu.” Ano Moyo nko kushikumata natuuni twendi, Muronga kumeho ano nkadona davo pakajti ano mbeli Moyo uye muruku. Lirago lyalinene navo kapi va tulire mo ghamapyu. Va tanta vakuronashi: “Musheke ameshi ndje ngandu.” Shampapi nko kudirambarara vanuke vano vane, shirugho osho uye kuna yangatere hamara yambinga dashikungwe namupini.

Mukonda yakurenka ashi Muronga uye mumati kwa kuponya dogoro mumutitu ano Namutenya, naMwengere vavo muruku namukurwavo Moyo. Ruvede runo uye Mwengere mwaka dendi ne (4) ano Namutenya uye mwaka ntambiri (7). Nametera, mafere mane kapi va tika Shampapi nko kuvatikakana Namutenya nko kudimupuma namupini dampati ano Mwengere nko kumu hayura nahamara palitungi lyarulyo ano shifupa nko kutjoka mukonda yawanuke kapi shakoka. Shiruvo shino Moyo kuna vanda kushishwa a kengere runyando rwavauni vendi ano Namutenya nkwardi ndo ntutu mukandwa ano uno Mwengere uye kuna mbwambwakana litungi. Kuyamuwana Shampapi yira mbwa yaliheke. Vantu vakuhupa ko ava tjira kushupura ko ashi mana shi va va homokera navo. Ano nkwardi ndje Shikongo shimpumba shashavo

ndje a kuvavayikiro a shupure ko. Pakughurumuka Shampapi, Moyo naye, nko kudamuna tuuni twendi ano Shikongo kuyadamuna Namutenya a dukitiire mumundi wanturaumbo Magana va yiva varwana ashi” Bambo“. Mukonda yautjirwe mana shi vafera livango limwe Moyo mpo a vhikire Mwengere va ka vande mumutitu wakupata coo namayoka nakughaghayara shi morwa kufa, kufa ndi kupara, kupara.

Opo lya renka ashi li ya ngene kumwe nangombe Shikongo mpo a va valilire vaMoyo naMwengere nakukuyaghera ntani lirago lyalinene. Mwengere naye kapi a lilire nampiri ngoweyo lighuru lina dundu. Kava patumuna mumutitu nko kughurumuka kushitaura ruvede oro Mukerenge naye ana tu mo tjapi mushihauto va ya va dukite kushipangero shaNyangana. Ruvede runya uye ndokotora Shakumata a yuvhikiro mukutjaha nakuvhukaura vifupa uye mpwa li mushipangero shaNyangana. Dimutjima davakurona vaMwengere kadi wana kuna lighamene kuwiru morwa vavo kwa tatelire ashi nampo monavo kuna kuyenda vaka mu vhukure lighuru. Lirago lyalinene pa kalire nka vandokotora vaviri Mayira, washimonyomonyo nandokotora Muhoka, wamushovagani, ogho a tundi kuNdoshiranda a dingure. Vandokotora vana shwena kuteta lighuru lyaMwengere morwa uye shimpe mudidi ndi mwanuke ndi vana kona kukengara ko morwa vifupa vyawanuke kuvhura kushokera nakukugumikira. Lino, ndyo lirago lyaMwengere ndi pavitondo ana kuyendera.

Shirughana 1

Limburura mapuro ogho **1 – 6** nakutjanga nomora ntani na ndanda yalilimburo lyauhunga Shihonena: **1. C.**

- 1 Ndjovhu wa ha pumbo kutanta ashi:
 - A kwa kalire narumwemwe.
 - B kwato vyo u yiva u tanta.
 - C ndovhu ana vi yiva kare.
 - D ruvembo rwendi. [1]

- 2 Vanadara vavamati vaMashare kwa kalire
 - A mayira naMuhoka.
 - B mukerenge naShivoyedi.
 - C muronga naMoyo.
 - D shampapi naShikongo. [1]

- 3 Weni vana vaMashare vatwenya Shampapi?
 - A Nkwirikwavo.
 - B Shavoghona.
 - C Shimpumba shashavo.
 - D Shiro shavo. [1]

- 4 Kumukuro kwa ka tundire ko viha vyaviri
 - A yakutanga.
 - B yaune.
 - C yaune shi tware yautano.
 - D yautano. [1]

- 5 Ndokatora, Muhoka kwatundire ku
A Mashare.
B Ndoshiranda.
C Nyangana.
D Rucara. [1]
- 6 Liyuva kushana kungena kumwe nangombe kutanta ashi:
A liyuva kuna kushana kutoka.
B liyuva mutwe kashi.
C ngurangura.
D shitengeyuva. [1]
- [6]

Shirughana 2

- 7 Shana lilimburo lyauhunga oyo lina karo muruha **B** oyo likugho kumwe nalipuro lina karo muruha **A**.

Tjanga nomora nandanda yalilimburo lyauhunga.

Ruha A		Ruha B	
(a)	Ruvenbo rweni	(i)	Warende
(b)	Yankuramayegho	(ii)	Kuhayura hamara
(c)	Nturaumbo	(iii)	Ndokatora
(d)	Ndwa	(iv)	Mukuve
(e)	Shakumata	(v)	Vana vendi
		(vi)	Mashare
		(vii)	Nyama

[6]

Shirughana 3

- 8 (a) Ndy a munke vaterekire vawina vaMoyo? [2]
- (b) Tapa makulimbonkango ghankango dino:
 (i) vantjengentjenge. [1]
 (ii) mushovagani. [1]
- (c) Fwaturura ngambito
 (i) navo shi kapi va tulire mo ghamapyu. [2]
- (d) Mukonda munke va rwaninine vaShampapi naMashare? [2]
- [8]
 [20]

LIPONGONYONO B

Varura shivarurwa shino makura u limburure mapuro ogho ghana kukwamo ko.

Shivarura B

Viponga Vyamuvitaura

Na shi huguvara ashi varwana vasheshu mushirongo shetu ovo va piro kukombanita valiro ndi vaholi ndi vantu ovo va yiva muviponga vyamuvitaura. Mayuva ghano kuyenda maruyendo ghamuviyendera yira vihauto kuna kara viponga morwa mutjima kukwaterera mulivoko ashi kuukakavera oko una tamba ndi . Shingi shamahudi ghaviponga vino kuna kushorauka ndjira dapakatji kadoropa dino: Mushitaura shaB1 Vinduka naOtavi, Vinduka naKeetmanshoop, kuUcuma washirongo. Ndjira dimwe dashiponga kuna kara pakatji ka Swakopmund naOtjiwarongo, Okahandja naKaribibi, Tsumeb naShivelo, Shivanda naRundu rambanga ko navitaura vimwe vyamunda yankurumbara nadoropa, Ushirongo uno ashi mukutwara muvitundwamo vyaruha rwa MVA (Motor Vehicle Accident) vyamumwaka wa 2015 , kuna kunegheda ashi vamvharerwa yashirongo vakupitakana mafere ntayimwe (600) kwahumwana nakukombanita monyo davo muviponga vyamundjira ano va ka pitakana mayovi matano (5000) vakuremana shivaro shino kwa yeruka kupitakana ovo twa kombanita mushirongo vakufa kulihamba lyankwengu (Malaria) ndi po ku HIV / AIDS.

Maumbangi kuna kunegheda ashi mahudi ghavihauto kuna kudipagha unene vakafumu mukushetakanita navakamali. Ano mbyo nka vina kumoneka ashi vanantjoka vamwaka ronantayimwe (16) dogoro rontatu nantano (35) kuna kukombanita monyo davo kushetakanita navarwana vamwaka rontatu na ntano (35) shi kandwite. Mfa dino kuna kuvyuta shimboda likuliko lyankarapamwe , kuna kuyita mudigho kulikulito pavikwa vimaliva, kuna kuvyuta likuko lyashirongo munyima nalikombanito lyamonyo davampititi vakuuto. Ovo vana kukombanito vavo kuna kuvashuvanga nandundutjima nalikombanito lya ka huro ko.

Mukonda munke veta dina kupira kurughana naviturwa po vino vana kukodoka vina kupira kughurumuna shivaro shamahudi muvitaura? Kushetekera kushinga, nakushinga shi naunkorwi, nakushinga shikughuruma nange ashi ove kwato mbapira yaushingi namarondoro ghamwe weyo ana kupira kughurumuna viponga vino.

Mahudi ghaviponga vyamundjira kwa gha yititanga po konda dakukushuvashuva. Shingi shavitaura vididi, ano mavango ghamwe virugho vimwe vitondo, mawe navishwa kukara kukara pepi nashitaura ano kuditopitira vashingi pakukombanita mpangera davihauto. Vitaura shingi shavyo kwa vi dika kumeho yakumangururuka shirongo ano kapi vya pitira muliwapukururo lyakudjira mo. Ntani vino vitaura kwa kara tupu namaruha maviri namutunda waudidi waukenu wakuhangura vihauto pamaruha maviri vyakutunda kurumontjo narulyo. Udito umwe twa kara nagho mbyovyo vya kurenka maroli, mahauto ghavakavita navihauto vyavididi kuyenda ruha rumwe mundjira yimwe yayididi.

Shakumanita vihauto kehe pano kuvirondeka kupitakanita shiviha ndi mukumo washo, nakukumanga shi maruvya, kushinga naunkorwi ndi kuna nuu warende, kurughanita funguna pakushinga, vashingi vamwe vakupira kudidimika pakukupita navaunyavo, liroroko mukonda yakushinga vinema vyavire, vimuna navarwana vakuyenda ndi kuvindakana vitaura.

Vinke vya kuvhura kurughana ko ngoli? Linkondopeko lyaveta damuvitaura ndi mundjira ndi pantjalyo kapi lina kuyitita po mutompo djuni. Pamwe walye hashu ntjeneshi vitaura

vyetu vikare tupu vyandjira ne dakuyenda ruha rumwe. Shivaro shavatakamitindjira va shi vhukite. Ano mo vene ashi mukuvitura mushirughana ndiro ene ngoli kuvhura kutompoka ntjeneshi pana kara likuturo mo nakutura po mafaneko mwene.

Shirughana 1

- 9 (a) Twenya ko ndjira **mbili** damushirongo oko ghana kushorauka unene mahudi ghamuvitaura? [4]
- (b) Vinke vina kuyitito po viponga vyamundjira ndi muvitaura mushirongo shetu? [4]
- (c) Maudona munke vina kuyita viponga vyamuvitaura ndi mundjira munkungwashirongo? [4]
- (d) Weni mwa kuvhura kusheshupita nakukandana po viponga vyamuvitaura? [4]
- (e) Varwana vakutika kuvangapi vakuremana, ntani vakukombanita monyo davo? Vare ovo vana kukombanito mukutwara mumaumbangi? [4]
- [20]

Shirughana 2

- 10 Mfa damuvitaura kuna kara ndo mbudi dakehe yuva mumarunone ghambudi dakushirongo. Shivaro kuna kuyeruka mwayendomwaka. Tjangerera mukurona wavyandjira mukutapa ko runyeghenyo mukurona ashi vinke vyakuvhura kurughana ko mukughurumuna nakusheshupita viponga vino.

Tjanga mwara nkango **150 – 200**.

[20]